



UNIVERSITÄTS-
BIBLIOTHEK
PADERBORN

Universitätsbibliothek Paderborn

Exhortationes|| Ad|| Religiosos

Dirckinck, Johann

Coloniæ Agrippinæ, 1704

In festo B. Aloysii Gonzagæ. Vel Confessoris alterius.

[urn:nbn:de:hbz:466:1-51834](#)

EXHORTATIO I.
AD NOVITIOS PRO FESTO
B. ALOYSII GONZAGÆ.

Proponit vitam ejus absconditam in saeculo actam.

THEMA.

Vita vestra abscondita est cum Christo in Deo. Ad Colos. 3. 4.

Duplicis generis in Ecclesia Dei reperimus Santos: nonnulli enim, veluti lucerna, non sub modio, sed super candelabrum, positi atque à Deo collocati, vel miraculorum stupendorum gloria, vel facinorum heroicorum splendore, vel Apostolici muneris dignitate, vel Martyrii pro fide fortiter tolerati laude & honore, sanctitatis lux radios longè latèque diffundunt. Ejusmodi lumina extiteré S. Petrus Apostolorum Princeps, S. Paulus Doctor Gentium, S. Antonius Paduanus faculi nostri Thaumaturgus, S. Franciscus Xaverius Indianorum Apostolus, aliquie innumeri Viri Apostolici, Martyres & Confessores, nunc in celo cum Christo triumphantes.

Alii sanctitatem & perfectionem occultam fuere profelli, & tanquam lucerna sub modio, tanquam margarita in concha, tanquam aurum sub terra delituerunt: & opera sua ac virtutes abscondere studuerunt. Tales fuere Eremi incolæ S. Antonius, S. Paulus, S. Macarius, aliisque anachoretæ innuméri, quos Theodoretus, Palladius, Sophronius & Russinus commemorant. Tales fuere S. Maria Magdalena, triginta annis in solitudine degens, S. Maria Ægyptiaca, quæ annis quinque & quadraginta in eremo nullum mortarium vidit, nec ab ullo visa est, S. Pelagia penitens, S. Cæcilia, S. Agnes, & Virgines millenæ vel Domi latitantes, vel in Cœnobii & Claustris mundo incognitæ uni Sponso Christo vivere & placere satagantes.

Inter hos, qui etiam in mundo, perfectam, absconditamque vitam duxerunt, merito numeranus B. Aloysium

L 1 3 Gonzagan,

Gonzagam quem divina Bonitas à pueru attraxit, & à vanitatibus mundi abduxit, ut vel in seculo vivens vitam absconditam inchoaret, quam postmodum in Societate consumaret.

Ostendemus proinde, hac exhortatione, quām absconditem Beatus hic Adoleſcens in seculo vitam egerit; ſequente, de abscondita ejus in Societate vita traſtabimus.

I. Mortui eſtiſ, ait Apoſtolum ad Coſlos. 3. ut quis vitam absconditam, vi-

taſt perfectam auſpicetur; neceſſarium eſt, antē, mori mundo, carni, ſanguini, peccatiſ, vite & conveſtioni munda- na & carnali, imo ſibimet ipſi; ut pre-clarè exponit S. Gregorius L. 8. moral. c. 19. Sunt, inquit, non nulli iuſtorum, qui ad comprehendendū culmen perfectionis accinđi, dum altiora interius appetunt; ex-teria cuncta derelinguunt. Qui rebus ſe ba- bitis nudant, gloria honoris expoliant, qui habere de exterioribus conſolationē nolant, qui internis gaudis, dum mente appropiant, viam in ſe funditus corpore delectationis neccant, Talibus, namque per Paulum dici- tur: Mortui enim eſtiſ & vita veſtra ab- ſcondita eſt, cum Christo in Deo. Taliū mortuorum, ait S. Auguſtinus L. de con- tinencia cap. 13. Vox eſt: Vivo autem ego, iam non ego, vivit verò in me Christus.

An non ejusmodi mortuis accenſeri poceſt B. Aloysius noſter, qui tanto ar- dore cuncta dereliquit, gloriam honoris calcavit, mundi ſolatia ſprevit, omnem corporeę voluptati delectationem pe- nititus in ſe necavit? Si mortuus eſt, ut quidam Sanctorum inquit, qui nulli detrahit, nemini violentus exiit, ne- minima calumnatur, neminem oppri-

mit, non invideſt bonis, non influitat ma- lis, non luxuriaz carnis ſervit, non odio- rum flammā inardeſcit non blanditur diuitibos hujus ſeculi, potentiū non adulatur, non turbu plauſu capit, non auro, argentoque, aur'e veste preioſa di- ſtendit, non ſalutationibus potentum delectatur: non eum ſuperbia inflat, non ambiſio ſacculi necat, non vano gloria turpiter jaſtat, non extollit opulentia, non perſtrigit ſpecies aliena. Quis haec omnia in vita B. Aloysii luculentē ei- fulgere deprehendens, eum penitus mundo, ſibiq; mortuum eſte negaverit?

Offerebat illi mundus diuitias, di- tiones, Principatus, quæ etiamquam pri- mogenito Marchionis Ferdinandi filio debebantur. Sed iiii omnibus ſe mor- tuum eſte oſtendit, quando tantā ani- latitia iis ſe abſicavit; Ea in abdi- catione Patens Ferdinandus lacrymis, ille gaudio & ſolatio maximo perim- debatur: moxque in cubiculum ſe re- piebat; ibique in genua ſubſidenz dignas æterno Numini grates perſolva- quod ſe tandem dirupis catenis illis, qua ſpecioſo torquis vocabulo, Principeſ captivos tenent, in ſuorum ſliorū libertatem aliquando aſſuererit; eam- que gratiarum actionem amplius inte- gram horam extraxit. Marchetus in vita. L. I. c. 13.

Offerebat mundus honores, ſed & il- lis mortuum fuille Aloysium, ſe de- montravit. Dum roga- tus à familiari- bus, quid ita populos, uisque ad eum obliuientes, cupidosque, cum maximè ut insignia, juraque imperii capellaret, expeſtarent, tunc è vefligio deſer- ret? Respondit: alia imperia, alias coronas

coronas mente fese agitare; quarum collatione, corona chlamydique nostra comicorum vestimenta essent, paulò fortasse serius, sed fortasse etiam ocyus, quam comicis soleant, exienda non perdere imperii jura, sed perpetuare, finesque in immensum æternimque proferre, in animo esse. In vita l.c.

Offerebat mundus delicias & voluptates, convivia & bellaria, choreas & tripudia, venationes & hastiludia; & quidquid auditum, visum, gustum, odoratum, tactumque oblectare valeret: sed his omnibus mortuum se probavit Aloysius, quando non solum ista omnia velut puerorum crepundia respuit ac dimisit, verum etiam contraria elegit atque afflumpsi, dum rigidis jejunis, aspermis cilicis, acribus ac longis flagellationibus carnem quam maximè maceravit, & in servitatem redigit. In vita.

O verè mundo mortue! sed Christo Domino vivens Aloysi! Charissimi: hæc mors in Aloysio adhuc in seculo degente reperta fuit; Quid nobis in seculo acciderit, scimus, quam mundus, caro, fastus fortasse in nonnullis ex nobis regnaverit, vixeritque haud ignorant illi: at nunc postquam mundū deseruimus, saltem omni studio illi mori satagamus divitias cum B. Adolescenti, ut fordes conculcemus, honores, dignitates, applausus, laudes, & vanitates ceteras, ut fumos & nebulas explodamus: voluptates, delicias, cupedias, & carnis oblectamenta, veluti guttas, respectu coelestis omnium deliciarum Oceani, & Paradisi, ex animo aspernemur. Hac ratione & nobis dici

verè poterit: Mortui effis. Mortui mundo, sed viventes Christo, cum B. Aloysio.

II. *Et vita vestra abscondita est, cum Christo in Deo.* Mundo, mundanisque mortuo haud difficile accedit vitam inchoare absconditam; adeò Deo grata: sicut enim Deus res per se pulcherrima & pretiosissima latet abscondita ab oculis nostris; ita optat nos vitam similem, absconditam instituere. Quid autem est vita abscondita?

Vita ab-
condita
B. Aloysii.

I. Est nova piè, sancte & internè vivendi forma, quam mundus ignorat, aversatur, & mortem estimat: Hoc vivendi genus, mundo ejusque principiis planè est contrarium, at Christi, futuri que facili principiis omnino conforme. Ad hanc vivendi formam & normam hortatur Apostolus, dum ab illa deterret, dicens: Nolite conformari huic seculo. Rom. 12. Ad quod pulchrè Origenes L. 9. in Epist. ad Rom. In his verbis, inquit, ostendit Paulus esse quandam formam hujus seculi, & seculi futuri aliam: & si qui sunt, qui amant præsens seculum, & ea quo sunt in hoc mundo, & secundum formam præsentis facili aptantur; qui vero non respiciunt ea, qua videntur, sed eternas transformantur. & renovantur ad futuri seculi formam, & inde sit ut non cognoscat eos hic mundus; sed odio habeat. Digna cedro & auro verba. Est omnino forma hujus seculi, mundi filii optimè perspecta; est etiam forma alterius seculi, illis probè nota, qui Christo se conformant, & spem suam à mundo avulsam, in solo celo collocant, itaque vivunt, nec celo disformiter vivant.

Talem vivendi formam, etiamnum in seculo degens, amplexus est

Ange-

Angelicus noster Aloysius, mundi principia calcans, & Christi principiis omnino se conformans; ut in sequentibus patet.

2. Vita abscondita sua humilitate tegitur: Sancti enim latere cupiunt, & latebras amant, gaudent mortificatione corporis & aerumnis. Recte monuit Epicurus: Λάθος, id est, latenter vive: & Ovidius: Credemini, bene qui latuit, bene vixit. Latebra haec a puer B. Aloysio fuere dilecta: ut enim Marchettus in vita c. 1. refert: cum pri-
mum pedibus uti, solisque sine duco-
ribus ingredi coepit, saepe domus late-
bras quælibet, ibique diu à domesticis
quaesitus, haud aliter, quam positis ge-
nibus, totusque in preces compotitus
atque intentus, repertus fuit. Cum ve-
riò (ut cap. 7. recensetur) animum reli-
giose instituto jam adiecisset; coepit
diutius domi, atque adeo in conclavi
lasciare, repudiare delicias omnes, se
ipse assiduo labore frangere, dura omnia
quæque magis sensus pulsarent, li-
bentiū perpeti: brumalitempore, fri-
gus sullinere, ignem in cubiculo non
admittere, manus frigoris acrimoniam
tumidas & satiscentes circumferre, &
si quæ offerrentur remedia, recusare.

3. Vita abscondita, gratiam & vir-
tutes, quæ novæ hujus vitæ spiritualis
quodammodo anima sunt, intus in ani-
ma tegit, quantum licet; Quales in ani-
ma B. Aloysii gratiæ virtutæ que recon-
ditæ fuerint, si vitam legat, quis non
obstupescat? Talis fuit gratia in Ba-
ptismo inita, nunquam amissa, & vita
innocentia, omni labore peccati gravio-
ris, libera & ad mortem usque conser-

vata. (cap. 2. vltæ) In septenni estate,
mentis ad Deum converto, & à ter-
renarum rerum studio, ad celestium a-
morem traductio. I.c. Gratia in eo (in-
dicio Cardinalis Bellarmi viri docili-
sum ac sapientissimi) ita peculiari nexo
confirmata, ut nullis tartarei hostiis co-
natibus dirimi potuerit. Ea mentis ad-
huc pueri devotio, & orandi frequen-
tia corporis asperaque tractatio, vo-
ti virginitatis perpetua emissio, atque
observatio tam exacta, ut passim &
palam Angelicus Adolescens, five An-
gelus è celo delapsus audiret. I.c.

4. Vita abscondita, à mundi cupi-
ditibus & mundana conversatione se
abstrahit, & occultat: ex mente S. An-
selmi. Præclarè S. Augustinus in se-
tentiis num. 201. Boni ait, latent, quia
bonum ipsorum in occulto est, ne videt
est, nec corpore quod diligunt; & tan-
tum corum sunt in abscondito constituta,
quam pramia. Quam bellè hac conve-
niebant Aloysio? Mundi cupiditas eti-
am famam suam vanè dilatare ac propa-
gare, noménque suum & estimationem
in mundo celebrem reddere, ac impo-
steros operosè transmittere; Aloysii &
tiamnum luxurialis cupiditas fuit, lat-
re, mundo ignotum vivere, Deo in so-
cietate JESU servire ac mundo mori.

prodire, conversati cum magnis, gratiam, amicitiamque captare apud Potentes. Cupiditas Aloysii fuit, Domi delitescere, Dei gratiam querere, cum Deo agere; & si quando cum Principibus conversari, vel obedientia vel officii ratio postularet; summa modestia, verecundiaque id munera obire; tam arcta oculorum custodiæ, ut plures annos quotidie salutans Mariam Austriacam, nunquam oculis intueretur. L. 1. cap. 10.

5. Vita abscondita in Dei amore & contemplatione sece abdit: nam ut ait S. Gregorius L. 5. moral. c. 3. Qui mortificare se appetit, vaude ad inventam requietum contemplationis bilarescit; ut extensus mundo lateat, & à cunctis extortiorum rerum perturbationibus intra sinum se intimi amoris abscondit. Excelluit in his B. Aloysius, is enim adhuc in saeculo licet degens, Dei tamen causâ ab hominum commercio semotus, omniisque artatis oblectamenta respuens, coelestibus à benignitate divina Charitatis deliciis recreatus, & divina contemplandi viam aerationem divinitus edoctus, huius internæ contemplationi magnam diei partem; nunc divinam, in condenda administrandaque universitate potentiam, nunc infinitam, quā homines in cruce deperit, charitatem contemplando exigebat: in ejusmodi vero contemplationibus, incredibili quadam mentis dulcedine ac suavitate delibutus, ingentem lacrymarum vim fundere cogebatur, c. 5. Inde solitudinis & silentii amor incrementum indies capiebat, veritus, si in hominum consuetudinem se vulgaret, coelestem illam cum

divina voluptatem amitteret; unde fere nunquam domo, immo ne conclave quidem efferebat pedem. O beata solitudo! ô sola beatitudo!

6. Vita abscondita, vitam gloriae, mortalibus omnibus exspectatam, sed absconditam præstolatur. Vita nostra quasi hyems est, in qua Sol, id est Christus occultatur, homines, velut arbores exterius arida, sine fronde, id est sine decoro, specie & pulchritudine cernuntur, sed interius vivam habent radicem, scilicet charitatem in Deo, quali in terra vitali defixam & viventem; venient ætas, scilicet Christi revelatio & gloria, cum revirescemus, resurgentio, ac vitales dabimus frondes & fructus, scilicet dotes beatitudinis tam in anima, quam corpore. Ita S. Anselmus. Eleganter S. Augustinus serm. 112. de temp. Hyemis tempore, inquit, eriam viridis arbor aridæ similis est. Venit ætas & viva radix folia producit, & impletur fructibus. Sic hyems nostra Christi occultatio est, ætas nostra Christi revelatio: Mortui enim estis, ait Apostolus, & vita vestra abscondita est cum Christo in Deo.

Ista sanè spes erat B. Aloysio, ista vita, ista mors, unde omnia mundi fluxa bona, principatus, diademata, honores, delicias ac divitias aspernabatur, ut bona invisibilia, coelestia & æterna consequeretur.

Quia cùm ita sint, cùm Deus nos non ad gloriosam, & in oculis hominum stupendam vitam vocet, saltem conemur cum B. Aloysio. 1. Mori mundo ejusque divitias & honoribus, mori carni ejusque oblectamentis & voluptatibus,

Mm quæ

que omnia, fluxa, vana, momentanea,
& periculosa sunt, & æternæ damnationi quam plurimis obnoxia. 2. Si vero mundo carnique mortui fuerimus, vitam absconditam auspicabimus cum B. Adolescentes 1. Mundo, mundisque legibus ac principiis contrariam. 2. Humilitate teatam, latebras amantem, corporis mortificatione deditam. 3. Virtutes internas possidentem & occultantem. 4. A mundi cupiditatibus & conversationibus sese abstrahentem. 5. Orationi, meditationi, contemplationi cœlestium insistentem. 6. Ac denique vitam gloriæ æternam in cœlis expectantem. Hæc est vita B. Aloysii adhuc secularis, quam conenur imitari jam religiosi, pluribus præsidii & me-

diis, instructi: Hæc est vita abscondita, vita perfecta, vita sancta: quam si vivierimus; erimus verè mundo mortui, Christo autem viventes: & ut S. Augustinus l. c. loquitur: Certe mortui, sed mortui specie, vivi radice. Attende autem venturum tempus ætatis, quomodo sequitur & dicat: Cum autem apparet Christus vita vestra; tunc & vos aparebitis cum ipso in gloria. Eja ergo dulcissime Deus, hoc mibi tecum patrum erit: planè moriar mihi ipsi, ut solus in me vivas: totus intra me filebo, tu tu loquaris in me: totus quiescam ut tu opereris in me. Quod si fiat verè prædicabitur de nobis: Mortui estis, & vita vestra abscondita est cum Christo in Deo.

EXHORTATIO II. AD NOVITIOS PRO FESTO B. A LO Y S I I.

Proponit ejus vitam absconditam in Societate; sub figura thesaurei absconditi.

T H E M A.

Simile est Regnum cœlorum, thesauro abscondito in agro. Matt. 6.

Undus universus agro, religio autem, seu status religiosus thesauro, in agro hoc, abscondito, recte assimilatur. Dum Christus Dominus parabolam proferret de agro & zizaniis Matth. 13. 38, rogatus à Discipulis, eam exposuit, dicens: Ager est mundus, zizania autem filii sunt nequam: hi zizaniis ager mundi totus oblitus est & npletus. Transi vi per agrum homini pignus, & ecce tatum repleverant urtica, & eruprunt superficiem ejus spina. Proverb. 24. 30. Mundus est ager hominis pignus, quales



quales innumeri in eo reperiuntur, in virtutum studio & opere perfectio-
nes omnino desides & segnes; ac
proinde ager iste repletus est urticis
scandalorum & spinis peccatorum.
Nihilominus tamen in agro hoc incul-
to, spinis tribulisque obducto, thesaurus
magnus absconditus delitefecit. The-
sauri hujus nomine ordinem religiosum
merito intelligimus qui verè thesaurus
magnus est, magnis bonis, divitiisque
accumulatus; sed absconditus ab oculis
mundi: abscondisti hec à sapientibus &
prudentibus, & revelasti ea parvulis.
Matth. 11. 25, & revelatus parvulis, id
est, religionis candidatis, quorum oculi
jos divina Bonitas aperit, ut videant &
thesaurum hunc cognoscant, cognitum
desiderent desideratum, querant, donec
inveniant; omnia vendant, omnia re-
linquant, ut eundem ubi comparent.

Thesaurum istum, ut sibi acquireret
B. Aloysius Gonzaga quid non molitis-
sus est? quibus molestis & oppugna-
tionibus, non est tentatus, à parentibus
& cognatis, atque à saeculi filiis? sed
omnia vicit amor tanti thesauri; propter
quem omnes mundi divitias, honores,
delicias & principatus dimisit: ut vitam
mundo absconditam ageret, & in ab-
scondito, triplici thesauro reperto frue-
retur: scilicet abscondito & occulto vo-
cationis, occultiore virtutum & occul-
tissimo, internorum actuum ferven-
tium & heroicorum. Quod in exhorta-
tione praesente exponemus; ut charis-
mata meliora amulemur.

I. Si Religiosus Societatis, mundum
cum omnibus deliciis ac divitiis, nihil
aliud, esse, nisi desertum, terram aren-

tem & inaquosam terram feris, bestiis cultus yo-
& draconibus obnoxiam, locum horro- catus.

ris & vastæ solitudinis: Religionem
verò terram laetè & mellæ manantem,
terram jubili, terram omnium delicia-
rum, alterum cœlum, thesaurum
incomparabilem, esse affereret, adde-
rèque se tunc thesaurum non venditu-
rum omnibus mundi divitiis, nec mu-
taturum suam lacernam cum purpura
Principum, suum oluscum, suam ver-
vecis aut bovis particulam, suam pa-
nis crustam, cum omnibus totius mun-
di cupediis, cellulam cum palatio; in
cachinos abiret faculi filius, suaderet
que religioso, ut hume thesaurum, hoc
cœlum, has delicias sibi servaret, fa-
vere illi omnes delicias enumeratas,
se interim libenter in deserto mundi
permansurum. Neque id mirum: igno-
ti enim nulla cupido: absconditus est the-
saurus iste ab oculis eorum. Interea
Religiosus certè non fallitur. Cui
enim tot nobilissimi juvenes, in optimo
ætatis flore, judicio maturo, ingenio
perspicaci, cur tot viri principes, tot
Reges è saeculo sese propriuerunt, &
è divitiis ac deliciis suis in Religiones
transvolarunt; nisi at thesaurum hunc
absconditum sibi compararent?

Hos inter merito recensemus B.
Aloysium nostrum, qui thesaurum i-
ustum, Deo collustrante, probè cognovit,
dilexit, quæsivit, & invenit, summo animi gaudio ac solatio: Tirocinii
enim domum ingressus, atque à R. P.
Joanne Baptista Piscatore Tyrorum
Magistro, in conclave, ubi nostri ru-
dimentum ponere, primùmque se So-
cietati probare instituunt, inductus,

Mm 2 mirificè

276 mirificè latus, illud Davidicum usur-
pavit: *Hac requies mea in seculum seculi,
hic habitat ob; quoniam elegi eam.* Psal.
131. mox omnibus paulatim dilapsis,
fores occlusis, genibusque ante Numen
submissis, amantissimis verbis, in lacry-
mas subinde abeuntibus, immensas illi
gratias egit, quod se ex Aegypti servitu-
te vindicatum, in promillam hanc ter-
ram promissi cœli specimen, ac pignus,
medios inter hostes, induxit. Séque
propterea hostiam, religioꝝ vitæ auter-
titate, eius honoribus mastrandā liben-
tissimè devovit. *Marchettus L 1. vita t. 20.*

Causas vero, cur præ aliis Ordinibus,
Societatem JESU eligeret, tantaque
estimatione & amore completeretur,
recensebat sequentes. 1. Quod So-
cietas JESU leges, morisque adhuc
in prima ætate incorrupti florerent. 2.
Quod in ea voto suscepto, quasi foribus
ferreo veste præclusis, omnes digni-
tatis gradus, atque una cum iis affidua
comes ambitio, bonorum omnium ta-
bes, ac pestis excluderentur. Vere-
batur scilicet, ne si quod aliud Insti-
tutum sibi poposcellet, inde brevi pa-
rentum vel amicorum studiis, ad
honores, quos declinaverat, revoca-
retur. 3. Quod mitum in modum, eâ
nostrorum lege & consuetudine gau-
deret, quod tenera ductilisque puer-
rum ætas, literis, tanquam escâ, divini
metu hamo præfixâ, ad pietatem &
castimoniam traheretur. 4. Quod So-
cietas nostra universas gentes, qui à recta
salutis via miserè aberrant, toto orbe
conquisitas, in evangelicæ virtutis semi-
tam reducere, omni ope ac viribus stu-
deat: hac enim viâ fundendi pro Christo

Sanguinis spem conceperat. 5. Quod
ejusmodi institutum Deo authore
sibi persuasum haud dubie crede-
ret.

His de causis, tum aliis, quas pau-
lo pôst afferemus, tanti Aloysius the-
saurum hunc ducebâ, ut mille palaua,
mille Principatus, si possedisset, libens
exposuisset, ut illum sibi coemeteret:
nullis tentationibus, nullis minis,
blanditiis, lacrymis parentum, amico-
rumque fe à Societas adeunda propo-
sito divelli simeret.

Felicitas ista & vobis, Chariſſimi,
obtigit, reperiſſis theſaurum statu Re-
ligiosi, in quo vitam abſconditam &
perfictam agere valetis, nonnihil jan-
bonorum in theſauro iſto latentium ex-
periētis & degustabitis: vos eſtis, quidam
nonnunquam mica labitur de mena
Dominii, quibus ſcintilla cadit ex incen-
dio cœli, & amoris Dei quibus denique
guttula mellis defluit ex mari dulcedi-
nis vitæ religioꝝ, quâ gustatâ, velut Je-
nathas, illuminamini, & generosad
conflictum cum Philisthais, paſſionibus
ſcilicet propriis, per alpera & abrupta
rigidiora vita faxa confunditis, sed et
dulcedo abſcondita eſt filiis ſacoli quim
ſi clare perſpicerent, mundum unanimi-
ter deferent. Felices vos eſtis, qui ro-
tum mundum & vos ipſos, exemplo B.
Aloysii, vendicatis; ut theſaurum iſum
religioꝝ vita adipiceremini. Felices
eſtis (alloquor vos cum Nazianeno);
qui proprio parentes, humiles eſtis &
terreni, sed ſuper terrena inter homines
verſamini, ſed rebus humanis eſtis ſu-
periores: qui vinculis preſſi, & liberis
ſtisſerenti, & teneri non foreſtis, nihil

de

de mundo habetis , & omnia possideatis: alieni ab amore seculi, sed Deo coniuncti, abjecti, & super thronum collectati, voluptatibus privati, & perpetuam mentis tranquillitate & oblectatione laxi, & exhilarati. Agnoscite igitur felicitatem vestram , divitias & thesaurum repertum, diligentiam omni custodite , atque attendite , ne unquam vestra incuria amittatis.

II. Thesauri nonnulli simplices sunt & unius solùm generis bona continent, ut vel auri, vel argenti solius: alii vero ex variis diversique bonis conflati & accumulati, & argentum, & aurum, & gemmas, & vala preiosa, & vestes & utensilia Domus , & alias opes valoris immensi comprehendunt. Eiusmodi thesaurus multiplex & copiosus, est statutus religiosus, qui omnis generis divitias spirituales complectitur; quæ vita religiosa, Angelorum amico, celestis patriæ civi , & per adoptionem filio, necessaria & consentanea sunt, quorum possessione Deo gratus , sibi sufficiens, aliis utilis atque proficuus exsilis. In hoc enim thesauro abscondito , non chrysolythi aut uniones, sed veriores gemmae, multoque pretiosiores congregatae sunt , quarum usus & pretium non in terra tantum , sed in cœlo quoque maximum est.

1. Primus thesaurus absconditus, quem vita religiosa intimus in sinu suo continet, est, argenteus , purissime animarior , seu conscientiae mundities, à gravioribus noxiis libera ; idque per omnem vitam : tantus sanè is mihi videtur esse thesaurus , ut si mundanorum oculis pateret, omnes meritò, meo ju-

dicio, mundum deserenter , atque ad eum capiendum provolarent. Verè, divitias nihil esse duxi in comparatione illius. Hunc thesaurum in Societate Jesu possedit , & conservavit ad ultimum usque sp̄itum B. Aloysius: tanta enim erat ejus vita innocentia, anime puritas tanta , ut licet summa diligentia, fæle, suaque omnia rimaretur, nihil deprehenderet , unde meritò vel levissima noxa reus agi posset. L. 2. vii. c. 6. Deinde extremo ætatis tempore multi ejus æquales jurejurando testati, se nunquam illum in aliquam ex levissimis culpis prolapsum advertisse. Atque inde exorta est tanta in morte tranquillitas, securitas, & lætitia; ac celestis patriæ desideria.

2. Secundus thesaurus absconditus, in vita religiosa est humilitas , quæ libenter lateat : similisque est pretiosus margaritis, quæ conchylii, foedo ad speciem cortice involvuntur; similis lapidibus pretiosis, & metallo primo, quæ omnia latebras amant , & infima terræ viscera inhabitant. Si quis inexpertus glebam terra flava nondum excoctam & colatam in agro deprehenderit, abduciet molestem pondus: etiam conchyle, infantem ad scrutinium non movebit; peritus camen rerum , de invento pondere, vel scrupeo cortice gaudebit, quia novit pretium abscondi rebus viliibus sole. Habent hoc res naturales, quod libenter lateant , habent hoc artificia eximia; sed virtus humilitatis, palam quoad latebras omnibus præcipit; quia se non tantum intra terræ viscera; sed infra centrum terra , ut sic loquar, condere vellet, si posset. Et hæc est no-

M m 3 stra

stra infelicitas, quod non possimus ob
hunc amorem latebrarum, pulcherri-
mos in justis absconditos virtutum the-
sauros deprehendere. Quam felix esset
etiamnum Societas, quam gloria in
suo sanctissimo Patriarcha Ignatio, si
arcana soli Deo, & aliqua ex parte con-
scientiae arbitrio nota relscire potuisset!
Vulgare conchyle putabatur Ignatius,
communis scilicet ac tritæ probitatis,
quam pretiosa interim intus latuerit
margarita, Confessarius scivit, qui com-
munem Sanctorum magnorum com-
mendationem excedere, ea quæ de Ig-
natio sciret, asseveravit. Didicit hanc
pulchram absconditæ humilitatis ar-
tem à Patriarcha suo B. Aloysius: E-
vangelicam enim turrim ædificare co-
gitanti, ea cura precipua fuit, alè ut
fundamentum poneret; quod cum ex
humillimis, tanquam rudi & vili cœ-
mento constet, nihil illi optatus, quam
fæcæ omnibus submittere, loco cedere,
sua omnia contempta, aliorum præcla-
ra ac sublimia censere, D. Virginem a-
liisque Sanctos humilitatis virtute illu-
stres pro ea obtinenda interpellare, hu-
milem de se, sùlique opinionem fovere;
genus, fortunas, res ab se præclarè ge-
nitæ silentio involvere, vel verbis pro
viribus elevare; Dona à Deo concessa,
ut aliena fædulò tueri, ad laudes suas ru-
bore suffundi, vilissima munia maximâ
alacritate obire; verbo, tanquam mi-
nimum reputari, ac tractati, postponi,
negligi, reprehendi, ac laticare, ex ani-
mo cupere ac desiderare. *In vita.*

3. Thesaurus absconditus vita reli-
giose est paupertas voluntaria; nihil in

hoc mundo possidens, nihil formidans,
quoniam omnem thesaureum suum te-
condit in celo, semper hilaris, semper
abundans est & cum nihil habeat, om-
nia sibi facit communia.

4. Thesaurus quartus absconditus
est Angelica Cætitas, quæ juxta S. Ba-
silium Angelos facit: carnis illecebris
reluctans, Diaboli tentamenta, perpe-
tua exercitatione vincens.

5. Thesaurus absconditus, est obe-
dientia, quæ in mente recondita, per-
petuas loquitur victorias, juge Deo-
craticum immolat, & libertatem, quæ
non bene pro toto venditur auro, sed
benè pro cœlo, & Christo, eidem con-
secrat.

Quare ratione hos quoque tem-
thesauros posseiderit B. Aloysius in eis
vita L. 2. c. 8. & 10. & seqq. legere est.
Et nobis thesauri illi non absconditi
sunt, cùm thesauriarum, Societatem,
inquam, jam ingredi simus, & in ea ad
reconditos istos thesauros clavem ac-
ceperimus, tantummodo manus admo-
veamus, cum gratia Dei cooperemur,
& capiamus, divitiaeque evademus.

III. In distribuendis thesauris acta-
lentis suis, Dominus uni deceat, alter
quinque, tertio unum elargitur; & ac-
cidere potest, ut bini paria accipient ta-
lenta, sed lucra disparia referant. *Thes-*
aurum
Quemadmodum agri, cæteribus pati-
bus, illi uberiorem fructum ferunt, quæ
ab agricola, studio majore coluntur, ita
ager Religionis, sive perfæctio religiosa
promicat uberioris, ex illa terra, quæ
solertiùs proscinditur. Latet tamen
mysterium mirabile in agro Evangeli-
co,

co, eò quod copiosor fructus non raro proveniat ab uno, quam ab alio, licet pari, ut sic loquar, aratro uti videantur; imò quod mireris, plus sèpe fructus accrescit ab illo, qui uno anno in Religione, quam qui decem aut virginati laboravit. Manet quis in Ordine viginti annis, & accedit Stanislaus, aut Aloysius aliquis, & primo anno, alteri in fructu & profectu palmarum præripit. Pulsatur personis viginti aut pluribus, ad unam meditationem, & unus in ardescit, atque alium virum induit, alius manet in glacie & antiqua pelle? Quid causæ, obsecro, hic subesse arbitramur: Non aliud, nisi vitam ab conditam, seu ut in allegoria cœpta pergamus, intimum quendam in mente reconditum thesaurum ferventium actionum internarum.

Nostrum intueamur Angelicum Aloysium; quo adminiculo, tam exiguo tempore, in florente etate, ad tantum perfectionis culmen descendit? An ardua & heroica, insutataque edit facinora? An Apostolicis laboribus, Gentes & Regna ad Ecclesiam sanctæ ovile reduxit? An miracula patravit & signa? An tormenta & martyria pro Christi fide & amore sustinuit? Nequaquam? Quò igitur titulo Beatorum albo inscribi meruit? In tirocinio, cum tironibus aliis, meditationem instituit, conscientia latebras discussit, libros asceticos pervolvit, preces fudit, exercitia corporis frequentavit; tirocinio absoluto, studiis Philosophicis vacavit, cum aliis forte septuaginta & pluribus. Sed unde huic apicem per-

fectionis descendere datum est, non aliis coætaneis, ac condiscipulis? Non reperio aliud, præter intimum, in anima ejus reconditum thesaurum; in quo hæc tria latebant. 1. Intentio purissima interna, soli Deo nota. 2. Interni virtutum actus, ut humilitatis, mansuetudinis, patientie, zeli, ac præfertim charitatis ardoris. Qui quidem in corde ejus, velut lux intra humilitatis lucernam clausa, foris quidem ad exempli boni sufficientiam lucebant; sed intus magis ardebant, ac splendebant. 3. Victoriae internæ, & occulta, mortificationes passionum, repressiones affectuum inordinate, judicii, voluntatis & amoris proprii debellationes. Communia igitur cum aliis obivit munia & exercitia, sed non more aliis communia, sed singularibus, sublimibus, ardenter, interni virtutum ætibus exornata & animata. Quid Deus S. Maria Magdalena de Pazzis revealare dignatus est.

Dum enim hæc sancta, (cujus corpus etiam Florentia, in Ecclesia Monialium Carmelitanorum, sub Altari summo, incorruptum afferatur) Anno 1600. 4. Aprili in raptu Beatum Aloysium conspiceret, tota attonita exclamabat: O quantam habet gloriam Aloysius, Ignatii Filius! nuncquam id credidisse, nisi id JESUS meus mihi ostendisset; móxque hujus gloriæ causam adjungebat. Habet gloriam tantam ob actos internos, quibus in vita totus deditus fuit, & quia obediens erat diviniti inspirationibus. O quantum amavit in terris!

terris! ideo fruitur Deo, pleno amore in
caelis, & sagitta in cor verbi ab illo dire-
cta, nunc in corde ejus requiescent. O si
preium, vim & præstantiam internorum
virtutum actuam probè intelligeremus!
Verè externorum cum internis nulla est
comparatio. Hactenus illa, ut p. I. vitæ
ejus c. 69. recensetur.

O si & nos hunc occultissimum &
maximè absconditum thesaurum repe-
niremus! O si in his internis virtutum
actibus, ferventissimis desideriis, atque
amoribus, hunc Beatum, imitaremur,
ad quantum in caelo gloriam evehere-
mur! Quantas in caelo divitias nobis
compararemus!

Quapropter, Charissimi, cum ex
gratia vocationis speciali & DEI mu-
nere singulari, primum thesaurum ab-
sconditum reperimus, est, quòd
summas divinas Bonitati grates refo-
ramus, omnique custodiâ thesaurum
hunc custodiamus. 2. Latentes alios
in hoc uno thesauros magis abscondi-

tos, scilicet virtutes, ut puritatem con-
scientiæ, humilitatem, paupertatem,
castitatem & obedientiam, tangu-
gaz as intimiores & latentes inqui-
ramus, & exemplo Beati Aloysii ob-
tinere omni studio connitamur. 3. E-
iusdem Scholasticorum Principis ex-
emplo, ad omnino intimos & latenc-
tiosos thesauros penetrare allabors-
mus; ut actus internos, ferventes, he-
roicos crebrius excitemus; illaque ope-
ra externa animemus; ita, opera com-
munia non communi & vulgari more,
sed Sanctorum eximiorum, & in pri-
mis B. Aloyii ritu exercebimus, the-
saurisque in caelo promerebimus; qua-
les nec oculus vidit, nec auris au-
dit, nec cor hominis
ullius compre-
hendit.

* *



EXHOR.